

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 138. stav 1. i članom 139. stav 1. Poslovnika Skupštine Zeničko-dobojskog kantona - Treći prečišćeni tekst („Službene novine Zeničko-dobojskog kantona“, broj: 14/18, 18/18-Isp i 7/19), Vlada Zeničko-dobojskog kantona, na 37. sjednici, održanoj dana 27.12.2019. godine, d o n o s i

ZAKLJUČAK

I.

Vlada Zeničko-dobojskog kantona prihvata Amandman na Prijedlog Zakona o izmjeni Zakona o zaštiti od požara i vatrogastvu, koji glasi:

„AMANDMAN

U članu 1. Prijedloga Zakona o izmjeni Zakona o zaštiti od požara i vatrogastvu, član 1. mijenja se i glasi:

Član 1.

(Izmjene člana 106.)

U Zakonu o zaštiti od požara i vatrogastvu („Službene novine Zeničko-dobojskog kantona“, broj: 5/11), član 106. mijenja se i glasi:

Član 106.

(Plaće i naknade)

- (1) Zbog posebnih uslova rada, težine, složenosti, vršenja uviđaja, prirode posla i odgovornosti za obavljanje poslova za inspektore iz člana 136. stav (1) i člana 139. stav (2) ovog zakona, određuje se dodatak na plaću u iznosu od 30% od osnovne plaće.
- (2) Radna mjesta iz stava 1. ovog člana za koja pripada dodatak na plaću od 30% utvrđuje se u pravilniku o unutrašnjoj organizaciji tih organa.“

II.

Zaključak sa obrazloženjem upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____19
Datum, 27.12.2019. godine
Zenica

PREMIJER

Mirza Ganić

DOSTAVLJENO:

1x Kantonalna uprava civilne zaštite,
1x Stručna služba Skupštine,
1x a/a.

OBRAZLOŽENJE

I PRAVNI OSNOV

Pravni osnov za Amandman je u članu 138. stav 1. i članu 139. stav 1. Poslovnika Skupštine Zeničko-dobojskog kantona - Novi prečišćeni tekst („Službene novine Zeničko-dobojskog kantona“, broj: 7/12 i 12/13).

II. RAZLOZI ZA DONOŠENJE

Vlada Zeničko-dobojskog kantona, kao predlagač Prijedloga Zakona o izmjeni Zakona o zaštiti od požara i vatrogastvu Zeničko-dobojskog kantona, smatra opravdanim ovaj Amandman da se u konkretnim slučajevima radi o potrebi da se zadrži dodatak na plaću u iznosu od 30% od osnovne plaće za inspektore iz člana 136. stav (1) i člana 139. stav (2) ovog Zakona.

Usvajanje amandmana nije u koliziji sa odlukom Ustavnog suda Federacije jer se Odluka Ustavnog suda Federacije odnosi na povrjeđivanja prava općina i gradova na lokalnu samoupravu, jer su im nametnute obaveze bez dodjele sredstava potrebnih za njihovo djelotvorno obavljanje.

Inspektori iz člana 136. stav (1) i člana 139. stav (2) ovog Zakona kao državni službenici nisu finansirani od strane lokalne samouprave već od strane Kantona, pa bi ne usvajanjem ovog amandmana bila ugrožena njihova lična primanja koja ne ovise od općinskih i gradskih budžeta, jer im ovo jedini dodatak na osnovnu plaću po osnovu uslova rada.

Amandman ne sadrži odredbu kojom se angažiraju dodatna finansijska sredstva iz Budžeta kantona.